

վարչական տույժ նշանակելու մասին

«03» սեպտեմբերի 2020թ

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Դիջի բրոք» ՍՊԸ-ի մաքսային միջնորդ Դավիթ Արթուրի Զաղացպանյանի (ՀՀ ք. Երևան, Մամիկոնյանց 492. բն. 42 անձն. AR0636990) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Դիջի բրոք» ՍՊԸ-ի մաքսային միջնորդ՝ Դավիթ Զաղացպանյանի կողմից, 2020թ. օգոստոսի 16-ին «Արմեն Նադիրյան» Ա/Զ-ի անվամբ թիվ 05100033/160820/0003793 ապրանքների հայտարարագրով «Ներքին սպառման համար բացթողում» մաքսային ընթացակարգով ձևակերպվել է 4 անուն ապրանք: Հայտարարագրի լրացման ժամանակ 2-րդ անուն ապրանքի 35-րդ /բրուտո քաշը/, 38-րդ /նետո քաշը/ և 41-րդ /լրաց. միավոր/ դաշտերը նշվել ել սխալ:

Փաստի առթիվ Արևելյան մաքսատուն-վարչության Բազրատաշենի մաքսային կետ-բաժնի 3-րդ բաժանմունքի ավագ մաքսային տեսուչի կողմից 17.08.2020թ-ին «Դիջի բրոք» ՍՊԸ-ի մաքսային միջնորդ Դավիթ Զաղացպանյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով: Նշանակվել է գործի քննություն 03.09.2020 թվականին ժամը 11:30-ին, վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

Գործի նյութերի ուսումնասիրության ընթացքում պարզվել է, Արմեն Նադիրյան» Ա/Զ-ի անվամբ 16.08.2020թ. թիվ 05100033/160820/0003793 ապրանքների հայտարարագրով «Ներքին սպառման համար բացթողում» մաքսային ընթացակարգով ձևակերպվել է 4 անուն ապրանք: Հայտարարագրի լրացման ժամանակ 2-րդ անուն ապրանքի 35-րդ /բրուտո քաշը/, 38-րդ /նետո քաշը/ և 41-րդ /լրաց. միավոր/ դաշտերը նշվել ել սխալ:

Նշված հայտարարագրում ոչ ճշգրիտ տեղեկություններ ներկայացնելը առաջացրել է մաքսային վճարների պակաս հաշվարկում 236618 ՀՀ դրամի չափով:

ՀՀ ՄՕ 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ /Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

ԵԱՏՄ մաքսային օրենսգրքի օրենսգրքի 84-րդ հոդվածի 3-րդ կետով սահմանվում է՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Նույն օրենսգրքի 82-րդ հոդվածի 4-րդ կետի 2-րդ պարբերության համաձայն՝ հայտարարատուի, փոխադրողի, ապրանքների նկատմամբ լիազորություններ ունեցող անձի, այլ շահագրգիռ անձի անունից մաքսային գործառնությունները կարող է իրականացնել մաքսային ներկայացուցիչը, իսկ սույն Օրենսգրքով նախատեսված դեպքերում՝ այդ անձանց հանձնարարությամբ գործող այլ անձ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են

պատասխանատվության: Սույն դեպքով հայտարարտուի անունից հայտարարագիրը լրացրել է Դավիթ Զաղազպանյանը:

ՀՀ մաքսային օրենսգրքի 203-րդ հոդվածի 2-րդ մասի պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում, հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով *Դավիթ Զաղազպանյանի արարքում առկա է 17.12.2014թ. ՀՕ-241-Ն «Մաքսային կարգավորման մասին» օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:*

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 2-րդ մասի հատկանիշներով նախատեսված մաքսային կանոնների խախտում կատարելու համար Դավիթ Զաղազպանյանին ենթարկել վարչական պատասխանատվության՝ տուգանելով **118310 ՀՀ դրամի** չափով:
2. Որոշման մասին հայտնել Դավիթ Զաղազպանյանին, պարզաբնակելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ

հողվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արեվելյան մարսատուն-վարչություն, ԿՈԴ 29):

ԱՐԵՎԵԼՅԱՆ ՄԱՐՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ